

**«ՃԱՆԱՊԱՐՀԱՅԻՆ ԴԵՊԱՐՏԱՄԵՆՏ» ՀԻՄՆԱԴՐԱՄԻ ԿԱՐԻՔՆԵՐԻ ՀԱՄԱՐ՝
ՀՅՈՒՄԻՍ-ՀԱՐԱՎ ՃԱՆԱՊԱՐՀԱՅԻՆ ՄԻՋԱՆՑՔԻ ՆԵՐԴՐՈՒՄԱՅԻՆ ԾՐԱԳԻՐ,
ՏՐԱՆՇ 4, ՄԻՍԻԱՆ-ՔԱԶԱՐԱՆ ՃԱՆԱՊԱՐՀԱՀԱՏՎԱԾԻ ՀՈՂԵՐԻ ՕՏԱՐՄԱՆ ԵՎ
ՏԱՐԱԲՆԱԿԵՑՄԱՆ ԾՐԱԳՐԻ (ՀՕՏՕ) ՇՐՋԱՆԱԿՆԵՐՈՒՄ ԱԶԴԱԿԻՐ ՀՈՂԱՄԱՍԵՐԻ
ԳՆԱՀԱՏՄԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ
N ԶԴ-ԳՀԾԶԲ-2025/03**

ք. Երևան

«29» սեպտեմբերի, 2025թ.

«Ճանապարհային դեպարտամենտ» հիմնադրամը, ի դեմս գործադիր տնօրեն Արկադի Չերչինյանի, որը գործում է հիմնադրամի կանոնադրության հիման վրա (այսուհետ՝ Պատվիրատու), մի կողմից, և «ԷՅ.ԷՍ.» ՍՊԸ-ն, ի դեմս տնօրեն Կառլեն Գևորգյանի, որը գործում է ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է Հյուսիս-հարավ ճանապարհային միջանցքի ներդրումային ծրագիր, Տրանշ 4, Միսիան-Քաջարան ճանապարհահատվածի հողերի օտարման և տարաբնակեցման ծրագրի (ՀՕՏՕ) շրջանակներում ազդակիր հողամասերի գնահատման ծառայությունների մատուցման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 և N 1.1 հավելվածներով սահմանված Տեխնիկական բնութագիր-գնման ժամանակացույցի պահանջներին:

1.2 Ծառայությունը մատուցվում է պայմանագրի N 1 և N 1.1 հավելվածներով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է պայմանագրի N 1 և N 1.1 հավելվածներում նշված Տեխնիկական բնութագիր-գնման ժամանակացույցին չհամապատասխանող ծառայություն.

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 և N 1.1 հավելվածներով սահմանված պահանջներին,

բ) խախտվել է ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս կողմից մատուցված պատշաճ ծառայության դիմաց վճարման ենթակա գումարները, իսկ վճարման ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու պատշաճ մատուցված ծառայության դիմաց վճարման ենթակա գումարները, իսկ Պատվիրատուի կողմից պայմանագրի 4.2 կետում նշված վճարման ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Պայմանագրի N 1 և N 1.1 հավելվածներով սահմանված պայմաններով ապահովել ծառայության պատշաճ մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «Էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված ծառայությունը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված - աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված ծառայությունը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրի ընդհանուր գինը կազմում է 37,500,000 (երեսուկյոթ միլիոն հինգ հարյուր հազար) ՀՀ դրամ:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է պայմանագրի 3-րդ բաժնով նախատեսված կարգով ընդունելու դեպքում՝ ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակագրությամբ (հավելված N 2)

Ընդ որում վճարում կատարելու նպատակով հանձնման-ընդունման արձանագրությունն ստորագրվելու օրվանից հետո 3 աշխատանքային օրվա ընթացքում պատվիրատուն վճարման հանձնարարագիրը և հանձնման-ընդունման արձանագրության պատճենը մուտքագրում է լիազորված մարմնի գանձապետական համակարգ, իսկ սահմանված կարգի համաձայն ներկայացված փաստաթղթերի հիման վրա լիազորված մարմինը տվյալ վճարումը կատարում է հանձնման-ընդունման արձանագրությունը գանձապետական համակարգ մուտքագրված լինելու դեպքում՝ սույն պայմանագրի վճարման ժամանակացույցով սահմանված ժամկետներում, հինգ աշխատանքային օրվա ընթացքում:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 և N 1.1 հավելվածներում նշված տեխնիկական բնութագրերին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:¹ Ընդ որում տուգանքը հաշվարկվում է նաև ծառայությունը սույն պայմանագրով սահմանված ժամկետում մատուցելու, սակայն պատվիրատուի կողմից այդ չընդունվելու դեպքում:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն սահմանված ժամկետում չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորություններն ամբողջությամբ և պատշաճ՝ պայմանագրով սահմանված պահանջներին համապատասխան կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

¹ Եթե պայմանագիրը կնքվել է «Գնումների մասին» ՀՀ օրենքի 15-րդ հոդվածի 6-րդ կետի հիման վրա, ապա տուգանքը հաշվարկվում է այն համաձայնագրի գնի նկատմամբ, որի շրջանակում արձանագրվել է ստանձնված պարտավորությունների չկատարման կամ ոչ պատշաճ կատարման հանգամանքը:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ձանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.8 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի գրավոր առաջարկի առկայության դեպքում՝ պայմանով, որ Պատվիրատուի համար ծառայության մատուցման պահանջը չի վերացել, իսկ Կատարողի գրավոր առաջարկը ներկայացվել է ոչ ուշ, քան պայմանագրով ի սկզբանե ծառայությունների մատուցման համար սահմանված ժամկետը լրանալուց առնվազն 7 օրացուցային օր առաջ: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավելի քան պայմանագրով սահմանված ժամկետն է:

7.9 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման շրջանակներից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.10 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.11 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Պատվիրատուն այն ուղարկում է նաև Կատարողի էլեկտրոնային փոստին:

7.12 Կատարողն իրավունք ունի պայմանագրի կնքումից հետո Հայաստանի Հանրապետության քաղաքացիական օրենսգրքի 48-րդ գլխով սահմանված դեպքերում և կարգով կատարել գնման պայմանագրից ծագող դրամական պահանջի զիջում՝ պահանջի զիջման դիմաց ֆինանսավորման (ֆակտորինգի) պայմանագրի (այսուհետ՝ ֆակտորինգի պայմանագիր) հիման վրա: Ֆակտորինգի պայմանագիրը պետք է սահմանի, որ ֆինանսական գործակալը համաձայն է, որ պայմանագրով նախատեսված հիմքերի առկայության դեպքում Պատվիրատուն վճարումներն իրականացնելիս ապահովի Կատարողի նկատմամբ տույժերի ու տուգանքների հաշվարկումը և հաշվանցումը վճարվելիք գումարների հետ՝ անկախ պահանջի զիջված լինելու հանգամանքից: Ընդ որում, ֆակտորինգի պայմանագրի հիման վրա պահանջի զիջման մասին գրավոր ծանուցումը (հավելված N 4)

գործակալին, եթե ծանուցումը ստացվել է Պատվիրատուի կողմից վճարման հանձնարարագիրը և արձանագրության պատճենը լիազորված մարմնի գանձապետական համակարգ մուտքագրելու օրվան նախորդող օրը:

7.13 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

7.14 Սույն պայմանագիրը կազմված է 16 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 1.1, N 3, N 3.1 և N 4 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.15 Սույն պայմանագրի նկատմամբ կիրառվում է Հայաստանի Հանրապետության իրավունքը:

7.16 Պայմանագրով նախատեսված ծառայությունների մատուցումն իրականացվում է այդ նպատակով ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման միջոցով: Պայմանագիրը լուծվում է, եթե այն կնքելու օրվան հաջորդող վեց ամսվա ընթացքում այդ նպատակով պայմանագրի կատարման համար ֆինանսական միջոցներ չեն նախատեսվում: Ընդ որում յուրաքանչյուր հաջորդ համաձայնագիրը կնքելու համար ֆինանսական միջոցների նախատեսման համար սույն կետով տրված վեցամսյա ժամանակահատվածի հաշվարկը սկսվում նախորդ համաձայնագրով սահմանված ծառայության մատուցման արդյունքը ողջ ծավալով պատվիրատուի կողմից ընդունվելու օրվանից: Եթե պայմանագրի կատարման համար հատկացված ֆինանսական միջոցների չափը գերազանցում է գնումների բազային միավորի քսանհինգապատիկը, ապա Պատվիրատուի կողմից համաձայնագիր կկնքվի, եթե Կատարողի կողմից տուժանքի ձևով ներկայացված պայմանագրի ապահովումը փոխարինվում է երաշխիքով կամ կանխիկ փողով՝ հաշվի առնելով ՀՀ կառավարության 2017 թվականի մայիսի 4-ի N 526-Ն որոշման N 1 հավելվածի 32-րդ կետի 17-րդ ենթակետի «բ» պարբերության պահանջները: Ընդ որում, Կատարողը համաձայնագիրը կնքում, իսկ տուժանքի ձևով ներկայացված պայմանագրի ապահովման փոխարինման դեպքում նաև նոր ապահովումը Պատվիրատուին ներկայացնում է համաձայնագիր կնքելու ծանուցումը ստանալու օրվանից 10 աշխատանքային օրվա ընթացքում: Հակառակ դեպքում պայմանագիրը Պատվիրատուի կողմից միակողմանիորեն լուծվում է:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ

«Ճանապարհային դեպարտամենտ»
հիմնադրամ

Հասցե՝ ք. Երևան, Հանրապետության
Հրապարակ, Կառավարական տուն 3
ՀՎՀՀ՝ 02702598

ՀՀ ՖՆ Գործառնական վարչություն
ՀՀ՝ 900000909961

Գործադիր տնօրեն



Ա. Չերչիյան
/ստորագրություն/

Կ.Տ

Կ Ա Տ Ա Ր Ո Ղ

«ԷՅ.ԷՍ» ՍՊԸ

Հասցե՝ ք.Երևան, Եկմալյան 6, Բիզնես
պալե, 4-րդ հարկ
ՀՎՀՀ՝ 00117479

Բանկ՝ ԱԿԲԱ ԲԱՆԿ ԲԲԸ
ՀՀ՝ 220593330107000

Տնօրեն



Կ. Վարդյան
/ստորագրություն/

ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՅՑ

ՀՀ դրամ

հրավերի նախատեսված չափաքանի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	տեխնիկական բնութագիրը	չափման միավորը	ընդհանուր գինը /ՀՀ դրամ	Ընդհանուր քանակը	մատուցման	
						հասցեն	Ժամկետը*
1	70331800/502	Համաձայն Հավելված 1.1-ի	դրամ	37,500,000	1	Կատարողը նշված ծառայության մատուցումը իրականացնում է Միսիան- Քաջարան Ճանապարհահատ վածում, իսկ արդյունքները ներկայացնում է «Ճանապարհային դեպարտամենտ» հիմնադրամին:	Ծառայություններ ի մատուցումն իրականացվում է ֆինանսական միջոցներ նախատեսվելու դեպքում կողմերի միջև կնքվող համաձայնագրի ուժի մեջ մտնելու օրվանից մինչև պայմանագրով ստանձնած պարտավորություն ների ամբողջ ծավալով կատարումը՝ առավելագույնը 12 ամիս տևողությամբ:

* Եթե պայմանագիրը կնքվում է «Գնումների մասին» ՀՀ օրենքի 15-րդ հոդվածի 6-րդ մասի հիման վրա, ապա սյունակում
Ժամկետի հաշվարկն իրականացվում է ֆինանսական միջոցներ նախատեսվելու դեպքում կողմերի միջև կնքվող
համաձայնագրի ուժի մեջ մտնելու օրվանից: Յուրաքանչյուր տարվա ծառայության մատուցման վերջնաժամկետը չի կարող
ավել լինել, քան տվյալ տարվա դեկտեմբերի 25-ը:

Պ Ա Տ Վ Ի Դ Ա Տ ՈՒ

Կ Ա Տ Ա Դ Ո Ղ

«Ճանապարհային դեպարտամենտ»
հիմնադրամ

«ԷՅ.ԷՄ» ՍՊԸ

Հասցե՝ ք. Երևան, Հանրապետության
Հրապարակ, Կառավարական տուն 3
ՀՎՀՀ՝ 02702598

Հասցե՝ ք. Երևան, Եկմալյան 6, Բիզնես պալե,
4-րդ հարկ
ՀՎՀՀ՝ 00117479

ՀՀ ՖՆ Գործառնական վարչություն
ՀՀ՝ 900000909961

Բանկ՝ ԱԿԲԱԲԱՆԿ ԲԲԸ
ՀՀ՝ 220593330107000

Գործադիր տնօրեն

Տնօրեն

Ա. Չերչևյան
/ստորագրություն/ Գ.Տ.

Գ. Գևորգյան
/ստորագրություն/ Կ.Տ.



ՏԵԽՆԻԿԱԿԱՆ ԱՌԱՋԱԴՐԱՆՔ

Հյուսիս-հարավ ճանապարհային միջանցքի ներդրումային ծրագիր,

Տրանշ 4, Սիսիան-Քաջարան ճանապարհահատվածի հողերի օտարման և տարաբնակեցման ծրագրի (ՀՕՏՕ)
շրջանակներում ազդակիր հողամասերի գնահատման ծառայությունների ձեռքբերման

Ծրագրի անվանումը	Հյուսիս-հարավ ճանապարհային միջանցքի ներդրումային ծրագիր, Տրանշ 4 Սիսիան-Քաջարան ճանապարհահատված
Ֆինանսավորման աղբյուր	Հյուսիս-հարավ ճանապարհային միջանցքի ներդրումային ծրագիր, Տրանշ 4, Սիսիան-Քաջարան ճանապարհահատվածի համաֆինանսավորում
Ծրագրի Պատվիրատուն	Ծրագիրն իրականացնող գործակալությունն է «Ճանապարհային դեպարտամենտ» հիմնադրամը, որը հանդես է գալիս ՀՀ տարածքային կառավարման և ենթակառուցվածքների նախարարության անունից
Ծառայությունների անվանումը	Հյուսիս-հարավ ճանապարհային միջանցքի ներդրումային ծրագիր, Տրանշ 4-ի Սիսիան-Քաջարան ճանապարհահատվածի հողերի օտարման և տարաբնակեցման ծրագրի (այսուհետ՝ ՀՕՏՕ) շրջանակներում ազդակիր հողամասերի գնահատման ծառայություններ
Ճանապարհի անվանումը	Մ-2, Երևան – Երասխ – Նորավան – Տաթև – Կապան – Մեղրի – Հայաստան-Իրան սահման
Հատված	Սիսիան - Շենաթաղ, 27 կմ (Հյուսիսային հատված) Բարգուշատի թունել, 8.6 կմ (Թունելի հատված) Բարգուշատի թունելի հարավային պորտալ – Քաջարան, 24 կմ (Հարավային հատված)
Ծառայության տեսակը	ՀՕՏՕ շրջանակներում ազդակիր հողամասերի գնահատման ծառայություններ
Ծրագրի նախա- պատմություն	Ասիական զարգացման բանկը (այսուհետ՝ ԱԶԲ), Վերակառուցման և զարգացման եվրոպական բանկը (այսուհետ՝ ՎԶԵԲ), Եվրոպական ներդրումային բանկը (այսուհետ՝ ԵՆԲ) և Ֆրանսիայի կառավարությունը համաձայնել են Հայաստանի Հանրապետության կառավարությանը տրամադրել վարկ՝ Հյուսիս-հարավ ճանապարհային միջանցքի ներդրումային ծրագրի (այսուհետ՝ Ծրագիր) ֆինանսավորման նպատակով՝ կառուցելով Էռուղի երթևեկելի ճանապարհ՝ Մ2 ավտոճանապարհի Սիսիան – Քաջարան 51 կմ և Բարգուշատի թունելի 8.6 կմ հատվածը: Հողերի օտարման և շինությունների ապամոնետաժման առումով Ծրագիրը զգալի ազդեցություն կունենա: Հողերի օտարման և տարաբնակեցման (այսուհետ՝ ՀՕՏ) ծրագիրը մշակվել է ՎԶԵԲ Խորհրդատուի կողմից՝ Ծրագրի ՀՕՏ-ը պլանավորելու և իրականացնելու համար: Նշված ՀՕՏ-ն հիմնված է ՀՀ համապատասխան օրենքների ու ենթօրենսդրական ակտերի իրավակարգավորումների և ընդունված միջազգային ՀՕՏ ստանդարտների ու սկզբունքների վրա: Սույն ՀՕՏ-ի ընդհանուր անվտանգության ապահովման պատասխանատվությունը կրում են և՛ ՀՀ տարածքային կառավարման և ենթակառուցվածքների նախարարությունը (այսուհետ՝ ՏԿԵՆ), և՛ ԱԶԲ-ն, և՛ ՎԶԵԲ-ը, և՛ ԵՆԲ-ն:
	Տրանշ 4, Սիսիան – Քաջարան հատվածի ՀՕՏՕ իրականացումը մեկնարկել է: ՀՕՏՕ իրականացնող Խորհրդատուն առաջին պետական գրանցման է ներկայացրել համայնքային սեփականություն հանդիսացող հողամասերը հետագա օտարման գործընթացն ապահովելու համար, ինչպես նաև հանդիպումներ են իրականացվել ազդակիր համայնքների ղեկավարների հետ, սակայն օտարման պայմանագրեր կնքելու գործընթացը չի մեկնարկել, քանի որ իրականացման փուլում հայտնի է դարձել, որ ՀՕՏՕ պատրաստող Խորհրդատուի կողմից ներկայացված գնահատման հաշվետվություններում արձանագրվել են խախտումներ, որոնք բերել են գնահատված արժեքների անարժանահավաստության, ինչի պատճառով Խորհրդատու կազմակերպության գնահատող մասնագետը զրկվել է գնահատողի որակավորման վկայականից՝ ՀՀ կադաստրի կոմիտեի կողմից ՀՀ տարածքային կառավարման և ենթակառուցվածքների նախարարության հրահանգով: Ն.Ս.Ս. (1995-2024)

*Առաջադրանքի
նպատակը և
ծառայությունների
շրջանակը*

Միևնույն ժամանակ ՀՕՏ՝ պատրաստող Խորհրդատուի կողմից ներկայացված ազդակիր գույքերի գնահատման փաթեթների մեջ² հայտնաբերվել են այլ թերություններ, որոնք անհրաժեշտ է ուսումնասիրել և ըստ անհրաժեշտության կատարել համապատասխան ուղղումներ: Ինչպես նաև, ՀՕՏ իրականացման ընթացքում Ծրագրի բողոքների լուծման մեխանիզմների (այսուհետ՝ ԲԼՄ) շրջանակներում ազդեցության ենթարկված անձանց (այսուհետ՝ ԱԵԱ) կողմից ներկայացվել են դիմում-բողոքներ, որտեղ իրենց անհամաձայնությունն են հայտնել նկարագրության արձանագրությունների մեջ նշված ազդակիր գույքերի որակական և քանակական տվյալների հետ:

Հաշվի առնելով վերագրյալը՝ անհրաժեշտություն է առաջացել իրականացնել ՀՕՏ շրջանակներում ազդակիր հողամասերի (շենք/շինությունների, բարելավումների) նոր գնահատում, ինչպես նաև գնահատման փաթեթներում առկա թերությունների ուղղում/վերացում:

Այդ նպատակով, անհրաժեշտ է ձեռք բերել որակավորված գնահատող Կազմակերպություն³, ՀՕՏ շրջանակներում ազդակիր հողամասերը (շենք/շինությունները, բարելավումները) գնահատելու և գնահատման փաթեթներում առկա թերությունները ուղղելու/վերացնելու համար:

Ծառայությունների շրջանակը ներառում է 700 հողակտորների գնահատում⁴: Հողերի օտարման և տարաբնակեցման հետ կապված բոլոր ակնկալվող ծառայությունները պետք է համապատասխանեն Ծրագրի Տրանշ 4, Միսան-Քաջարան ճանապարհահատվածի համար մշակված Հողերի օտարման և տարաբնակեցման շրջանակում (այսուհետ՝ ՀՕՏ) մեթոդաբանություններին և սկզբունքներին: Առաջադրանքը ունի 1 հիմնական նպատակ՝ իրականացնել ՀՕՏ շրջանակներում ազդակիր հողամասերի գնահատում, որը կարտացույցի ազդակիր հողամասերի շուկայական արժեքը տվյալ պահի դրությամբ և ներկայիս իրավիճակը, ինչպես նաև հնարավորություն կտա պատշաճ կերպով իրականացնել հողերի օտարման գործընթացը:

Առաջադրանքի նպատակն է ճշգրիտ կերպով հաշվարկել ազդեցության չափը (այսինքն՝ ինչ տեսակի կորուստներ են նրանք կրելու և դրանց ծավալը) և որոշել, թե ինչպես են փոխհատուցվելու կամ ինչպես են վերականգնվելու նրանց եկամուտները՝ համաձայն ՀՀ օրենսդրության, ԱԶԲ ԱՄՔ (2009թ.), ԵՆԲ ԲՄՄՍՀ, ՎԶԵԲ ԲՄՔ ԿՊ 5 և Ծրագրի սահմանված Իրավունքների սխեմայի՝ ապահովելու համար, որ նրանք չեն հայտնվի ավելի վատ պայմաններում, քան «առանց Ծրագրի» իրավիճակի դեպքում: Բոլոր դեպքերում ընդհանուր նպատակն է առնվազն վերականգնել Ազդեցության ենթակա անձանց (այսուհետ՝ ԱԵԱ-ների) ապրուստի միջոցներն ու կյանքի որակը: Առաջադրանքը տվյալներ է տրամադրում փոխհատուցման, տարաբնակեցման և վերականգնման համար՝ պարզելով հետևյալը՝ ԱԵԱ-ների պրոֆիլը, Ծրագրի կողմից հասցված կորստի և ազդեցության աստիճանը, անհրաժեշտ տեղեկատվության հրապարակումը, փոխհատուցման վճարների և վերականգնման քաղաքականությունն ու շրջանակները, բողոքների լուծման մեխանիզմները, տարաբնակեցման բյուջեն և ֆինանսավորման պլանը, ներառյալ՝ կորցված գույքի, տեղափոխման և վերականգնման գնահատումն ու փոխհատուցումը:

«Ճանապարհային դեպարտամենտ» հիմնադրամը (այսուհետ՝ Հիմնադրամ) ՀՀ տարածքային կառավարման և ենթակառուցվածքների նախարարության անունից հանդես է գալու որպես պատվիրատու Մոնիթինգի անվտանգության մեխանիզմների ապահովման աջակցության ծառայությունների պայմանագրի շրջանակներում (այսուհետ՝ «Պատվիրատու»): Պատվիրատուին անհրաժեշտ է բարձր որակավորում ունեցող տեղական կազմակերպություն՝ իրականացնելու ազդակիր հողամասերի գնահատում՝ հետևելով ԵՆԲ ԲՄՄՍՀ, ՎԶԵԲ ԲՄՔ ԿՊ 5 ու ԱԶԲ ԱՄՔ (2009) փաստաթղթերին և ուղեցույցներին, ՀՀ օրենսդրությանը ու Ծրագրի վերջնական

² Գնահատման փաթեթների մեջ ներառված են ոչ միայն ազդակիր գույքերի գնահատման հաշվետվությունները, այլ նաև մանրամասն չափագրման տվյալները՝ բաժանման սխեմաներով, նկարագրության արձանագրությունները, անհրաժեշտ տեղեկանքներ, ազդակիր անձանց անձնագրային տվյալներ և այլ օտարման համար անհրաժեշտ տեղեկատվություն:

³ Որակավորված Կազմակերպությունը «Գնահատման գործունեության մասին» ՀՀ օրենքով սահմանված կարգով պետք է հաշվառված լինի ՀՀ Կադաստրի կոմիտեի կողմից վարվող գնահատման գործունեություն իրականացնելու համար որակավորում ունեցող կազմակերպությունների անվանացանկում:

⁴ ՀՕՏ շրջանակներում ազդեցության է ենթարկվել 581 ծածկագրով հողամաս՝ ներառյալ ՀՀ սեփականություն հանդիսացող հողամասերը: Իրականացման ընթացքում ընդհանուր 542 (համայնքային և մասնավոր սեփականություններ) հողամասերից 160 համայնքային հողամասեր բաժանվել են ըստ ազդակիր հատվածների մակերեսների և ստացել են առաջին պետական գրանցում: Լորուկում համայնքային հողերի ծանկտ ավելացել է 155-ով, որից յուրաքանչյուրի համար անհրաժեշտ է տրամադրել

մանրամասն նախագծին:

Մինևույն ժամանակ, հաշվի առնելով, որ ՀՕՏ՝ իրականացումը և դրան հաջորդող շինարարական աշխատանքների մեկնարկի թույլտվությունները տրամադրվելու են 4 փուլով, ապա ծառայությունների մատուցումը պետք է իրականացվի ստորև աղյուսակում նշված փուլերի սկզբունքով.

ՀՕՏ՝ իրականացման և շինարարական աշխատանքների մեկնարկի փուլեր

Փուլ	Նախատեսվող ճանապարհի պիկետ		Հողերի քանակ	Ծանոթություն
	Սկիզբ	Ավարտ		
1	1+000	10+750	59	Հյուսիսային հատված
2	17+500	27+150	119	Հյուսիսային հատված
3	0+000	1+000	310	Հյուսիսային հատված
	10+750	17+550		
4	35+800	60+022	93	Հարավային հատված
Ընդհանուր			581 ⁵	-

Վերոնշյալ առաջադրանքների իրականացման նպատակով ծառայությունները մատուցվելու են պայմանագրի կնքմանը հաջորդող 12 ամիսների ընթացքում:

Ծառայությունների մատուցման պայմանագիրը ակնկալվում է մեկնարկել 2025թ. սեպտեմբեր ամսից:

**Հիմնական
պարտականությունները
և
պահանջները**

Տրանշ 4, Միսիան-Քաջարան ճանապարհահատվածի ՀՕՏ՝ շրջանակներում Ծառայություններ մատուցող/Կատարողը պատասխանատվություն է կրում ՀՕՏ՝ շրջանակներում ազդակիր գույքերի գնահատման համար: Մասնավորապես, Կատարողը պետք է իրականացնի հետևյալ աշխատանքները.

ՀՕՏ՝ տվյալների թարմացում.

ՀՕՏ՝ շրջանակներում ազդակիր գույքերի գնահատում և որոշում.

1. Պատրաստել Ծրագրի ՀՕՏ/ՀՕՏ՝-ին համապատասխան գույքի գնահատման մեթոդաբանություն՝ գնահատման մասին ՀՀ օրենսդրության, ԵՆԲ ԲՍՍՍՀ, ՎՋԵԲ ԲՍԲ ԿՊ 5 ու ԱԶԲ ԱՄԲ (2009) սոցիալական երաշխիքների քաղաքականության համաձայն:
2. Գնահատել ազդեցության ենթակա ամբողջ գույքը՝ հողակտորներ, շենքեր ու կառույցներ:
3. Սահմանել փոխհատուցման մանրամասն բյուջե բիզնեսների և աշխատանքի կորուստների դեպքում:
4. Սահմանել փոխհատուցման մանրամասն բյուջե տեղափոխման կարիքների ծախսերը հոգալու համար (տեղափոխվող շինությունների, բիզնեսների շուկայական արժեքը, տեղափոխման ծախսերը, նույնատիպ որակի և տարածքի հողակտորի ձեռքբերում):
5. Որոշել օժանդակության բոլոր տեսակները՝ ՀՕՏ/ՀՕՏ՝-ին համապատասխան:
6. Յուրաքանչյուր ազդեցության ենթակա գույքի համար պատրաստել Գնահատման հաշվետվություն՝ ՀՀ գնահատման ստանդարտների համաձայն:
7. Հողերի օտարման դեպքերի համար, ըստ անհրաժեշտության, պատրաստել փոխհատուցման հաշվարկների հաշվետվություն՝ ՀՀ օրենսդրության պահանջների համաձայն:
8. Իրականացնել նոր հայտնաբերված ազդեցության ենթակա գույքի գնահատում, ըստ անհրաժեշտության, և սահմանել փոխհատուցման բյուջեն:

Այլ առաջադրանքներ

Հաշվի առնելով ՀՕՏ՝ առանձնահատկությունները՝ Կատարողը պետք է դիտարկի իր գործառույթները որպես մեկ ընդհանուր ծրագրի իրականացում և պետք է ճկունություն ցուցաբերի գործընթացի ընթացքում ծագած հնարավոր խնդիրներին լուծումներ առաջարկելու նպատակով, ինչը, եթե նույնիսկ բառացիորեն նշված չէ ծառայությունների տեխնիկական բնութագրում, կարող է բխել Կատարողի հիմնական գործառույթներից ու

⁵ Այստեղ ներառված են ՀՕՏ՝ շրջանակներում ազդակիր բոլոր հողամասերը, սակայն ծառայությունները մատուցվելու են ծառայությունների շրջանակում ներառված աշխատանքների քանակների համապատասխան բաշխումով՝ ըստ փուլերի: Նշված քանակը ներառում է նաև ՀՀ սեփականություն հանդիսացող հողակտորներ, որոնց համար գնահատման փաթեթներ չեն ներառվում: Եթե որոշակի ազդեցության ենթակա գույքը ծառայող չէ, ապա այն չի ներառվում:

**Ծառայություններ
մատուցող
կազմակերպությանը
ներկայացվող
պահանջները**

պարտավորություններից: Կատարողի գործողություններին ու պատասխանատվությանը առնչվող պայմանագրի պայմաններն ու ժամկետները կարգավորվում են ՀՀ օրենսդրությամբ:

Սույն Պայմանագրի տեխնիկական բնութագրով սահմանված մատուցվող ծառայությունների շրջանակի փոփոխությունների դեպքում Կատարողը պահանջվող լրացուցիչ գործողություններն իրականացնում է մատուցվող ծառայությունների շրջանակի մինչև 10%-ի չափով: Սույն պայմանագրում փոփոխություններն իրականացվելու են ՀՀ գնումների օրենսդրության պահանջների համաձայն:

Առաջադրանքի իրականացման շրջանակներում ծառայությունների մատուցումը պետք է իրականացվի որակավորված Կազմակերպության կողմից, որը կներկայացնի վերջին 5 տարիների ընթացքում պատշաճ ձևով իրականացված միջազգային չափանիշներին համապատասխան 1 հոդերի օտարման և տարաբնակեցման ծրագրի մշակման պայմանագրի (համաձայնագրի) պատճենը: Ընդ որում հոդերի օտարման և տարաբնակեցման ծրագրի շրջանակներում ազդակիր հողամասերի նվազագույն քանակը պետք է լինի առնվազն 700 հողամաս:

Նախկինում կատարված պայմանագիրը/համաձայնագիրը համարվում է պատշաճ կերպով իրականացված, եթե պայմանագրային պարտավորությունները կատարվել են պայմանագրով նախատեսված պահանջների համաձայն, սահմանված ժամկետներում և կարգով, չկան խախտումներ և էական շեղումներ, առկա է երկկողմ հաստատված հանձնման-ընդունման ակտ/արձանագրություն և/կամ պատվիրատուի կողմից գրավոր հավաստում պայմանագրի պատշաճ կատարման վերաբերյալ:

Առաջադրանքի իրականացման շրջանակներում ծառայությունների մատուցումը պետք է իրականացվի առնվազն հետևյալ մասնագետի/աշխատակազմի ներգրավմամբ.

1. **Սոցիալական զարգացման և տարաբնակեցման մասնագետ/Թիմի ղեկավար:** Թեկնածուն պետք է ունենա բարձրագույն կրթություն և 5-7 տարվա համապատասխան փորձ բազմաֆունկցիոնալ թիմի կառավարման և աշխատանքների համակարգման ոլորտում: Թեկնածուն պետք է ղեկավարի աշխատանքային թիմը և պատասխանատու լինի առաջադրանքների ընդհանուր իրականացման համար: Պետք է ունենա առնվազն 5 տարվա փորձ Հոդերի օտարման և տարաբնակեցման հետ առնչվող աշխատանքներում: Թիմի ղեկավարը պետք է ունենա գիտելիքներ և հմտություններ ՀՀ-ում հոդերի օտարման, ներառյալ ՀՕՏՆ նախապատրաստման և իրականացման աշխատանքներ իրականացնող կառույցների վերաբերյալ, ինչպես նաև ծանոթ լինի ԵՆԲ ԲՍՍՍՀ, ՎԶԵԲ ԲՍՔ ԿՊ 5 ու ԱԶԲ ԱՍՔ (2009) փաստաթղթերին և ուղեցույցերին: Անգլերենի իմացությունը պարտադիր է (գրավոր և բանավոր):
2. **Գնահատող մասնագետ:** Թեկնածուն պետք է բարձրագույն կրթություն, որակավորման վկայական տրված իրավասու պետական մարմնի կողմից և առնվազն 5 տարվա մասնագիտական փորձ: Պահանջվում է նմանատիպ ծրագրերում ներգրավված լինելու 5 տարվա մասնագիտական փորձ:

Առաջադրանքի իրականացման ընթացքում Կատարողը պետք է օգտագործի իր գրասենյակը, մեքենաները և սարքավորումները:

Մրցույթին մասնակցության հայտերը ներկայացնելիս Կազմակերպությունը պարտավոր է ներկայացնել նաև վերոնշյալ մասնագետների հաստատած գրավոր համաձայնությունները՝ իրականացվելիք աշխատանքներում վերջիններիս ներգրավվելու վերաբերյալ, ինչպես նաև վերջիններիս ինքնակենսագրականը, պահանջվող որակավորումը և կրթությունը հավաստող վկայականը, ինչպես նաև նախկինում կատարված պայմանագրերի պատշաճ կատարումը հավաստող փաստաթղթեր:

Պայմանագրի գործողության ողջ ընթացքում Կատարողը Պատվիրատուին պարտավոր է գրավոր կերպով տեղեկացնել առաջադրանքում ընդգրկված որակավորում ունեցող մասնագետի փոփոխության կամ որակավորման դադարեցման վերաբերյալ:

Կատարողը Պատվիրատուին պետք է ներկայացնի ստորև նշված հաշվետվություններն ու արդյունքները:

**Հաշվետվությունների
արդյունքների
ներկայացման
ժամանակացույցը**

Ա. Հաշվետվություններ

Պատվիրատուին անհրաժեշտ է ներկայացնել հետևյալ հաշվետվությունները՝

1. Նախնական հաշվետվություն, ներառյալ Գործողությունների մանրամասն ծրագիր (ԳՄԾ)՝ յուրաքանչյուր առաջադրանքի համար նկարագրելով բոլոր

առաջադրանքի մեկնարկից հետո 30 օրվա ընթացքում ներկայացվելիք հաշվետվությունների ընդհանուր նկարագիրը: ԳՄԾ-ն պետք է ներկայացնել հիմք ընդունելով Հիմնադրամի հետ նախապես ստացված համաձայնությունները:

2. Ծառայությունների առաջընթացի ամսական հաշվետվություն

Ծառայությունների մատուցման ամբողջ ժամանակահատվածի ընթացքում Կատարողը Ծառայությունների մատուցման յուրաքանչյուր ամսվա համար մինչև ընթացիկ ամսվան հաջորդող ամսվա 15-րդ օրը պետք է ներկայացնի Առաջընթացի ամսական հաշվետվություն: Յուրաքանչյուր հաշվետվության մեջ պետք է ներկայացնել Կատարողի հիմնական պարտականություններից յուրաքանչյուրի հետ կապված Կատարողի իրականացրած աշխատանքները և առաջընթացը:

Առաջադրանքի իրականացման ընթացքում Կատարողը Առաջընթացի ամսական հաշվետվությունները պետք է ներկայացնի Հիմնադրամի հետ համաձայնեցված կառուցվածքով՝ հաստատված Նախնական հաշվետվության, ինչպես նաև Հիմնադրամի պահանջով առաջընթացի այլ հաշվետվությունների տեսքով:

3. Ծառայությունների ավարտման վերջնական հաշվետվություն (ներառյալ գնահատման բազա), որը ներառում է Կատարողի կողմից իրականացված աշխատանքների ընթացքում հավաքագրված տվյալները:

Ծառայությունների ավարտման վերջնական հաշվետվության հայերեն տարբերակում պետք է ամփոփվեն Կատարողի իրականացրած Ծառայությունների կատարման հիմնական ցուցանիշների և առաջադրանքների վերաբերյալ արդյունքները:

Ազդեցության ենթակա յուրաքանչյուր գույքի գնահատման փաթեթների թվային տարբերակները, որոնք առանձնացված են ըստ ID/լոտ-կոդերի: Ծառայությունների ավարտման վերջնական հաշվետվությունը պետք է ներկայացնել փոխհատուցման վերջին փաթեթից և վերջնական հաստատված տվյալների բազայի ներկայացումից հետո 20 օրվա ընթացքում:

Բ. Արդյունքներ

Ազդեցության ենթակա յուրաքանչյուր ակտիվի/հոդակտորի համար գնահատման փաթեթներ:

Փաթեթները իրենց մեջ պետք է ներառեն ստորագրված և կնքված Գնահատման հաշվետվություններ՝ 2 օրինակից, ՀՀ գնահատման մասին օրենսդրության և ստանդարտների պահանջներին համապատասխան:

Կատարողը պետք է հաշվետու լինի անմիջապես Հիմնադրամին: Կատարողը պետք է հաշվետվությունները ներկայացնի հայերեն լեզվով էլեկտրոնային ու 2 թղթային տարբերակներով ուղեկցող նամակի հետ (եթե հաշվետվությունների ցանկում հասկերոշված չէ):

Հաշվետվություններ ներկայացնելու պահանջները և արդյունքները

No.	Հաշվետվության տեսակը	Օրինակների քանակ	Ներկայացման ժամկետ	Վճարման չափը տոկոսներով
Ա. Հաշվետվություններ				
1.	Նախնական հաշվետվություն	1 տպագիր օրինակ և էլեկտրոնային տարբերակ Word և PDF ձևաչափերով՝ ուղեկցող գրության հետ միասին	Ֆինանսական միջոցներ նախատեսվելու դեպքում կողմերի միջև կնքվող համաձայնագրի ուժի մեջ մտնելու օրվանից 30 օրացուցային օրվա ընթացքում:	Պայմանագրի արժեքի 20 տոկոսի չափով
2.	Առաջընթացի ամսական հաշվետվություններ	1 տպագիր օրինակ և էլեկտրոնային տարբերակ Word և PDF ձևաչափերով հայերեն՝ ուղեկցող	Յուրաքանչյուր հաջորդող ամսվա առաջին 15 օրվա ընթացքում:	---

3.	Ծառայությունների ավարտման վերջնական հաշվետվություն (ներառյալ գնահատման բազա), որը ներառում է Կատարողի կողմից իրականացված աշխատանքների ընթացքում հավաքագրված տվյալները	2/2 տպագիր օրինակ և էլեկտրոնային տարբերակ Word և PDF ձևաչափերով՝ ուղեկցող գրության հետ միասին: Գնահատման բազան էլեկտրոնային՝ MS Excel տարբերակով	Վերջին փոխհատուցման փաթեթի ներկայացնելուց հետո 20 օրվա ընթացքում:	Պայմանագրի արժեքի 20 տոկոսի չափով
----	---	---	---	-----------------------------------

Բ. Արդյունքներ

1.	Առաջին փուլի ազդեցության ենթակա յուրաքանչյուր ակտիվի/հողակտորի համար փոխհատուցման փաթեթ (59%)	1 տպագիր օրինակ և էլեկտրոնային տարբերակ Excel ձևաչափով՝ ուղեկցող գրության հետ միասին	Փաթեթների ամբողջական տրամադրումից հետո 10 օրյա ժամկետում	Պայմանագրի արժեքի 10 տոկոսի չափով
2.	Երկրորդ փուլի ազդեցության ենթակա յուրաքանչյուր ակտիվի/հողակտորի համար փոխհատուցման փաթեթ (119)	1 տպագիր օրինակ և էլեկտրոնային տարբերակ Excel ձևաչափով՝ ուղեկցող գրության հետ միասին	Փաթեթների ամբողջական տրամադրումից հետո 10 օրյա ժամկետում	Պայմանագրի արժեքի 15 տոկոսի չափով
3.	Երրորդ փուլի ազդեցության ենթակա յուրաքանչյուր ակտիվի/հողակտորի համար փոխհատուցման փաթեթ (310)	1 տպագիր օրինակ և էլեկտրոնային տարբերակ Excel ձևաչափով՝ ուղեկցող գրության հետ միասին	Փաթեթների ամբողջական տրամադրումից հետո 10 օրյա ժամկետում	Պայմանագրի արժեքի 25 տոկոսի չափով
4.	Չորրորդ փուլի ազդեցության ենթակա յուրաքանչյուր ակտիվի/հողակտորի համար փոխհատուցման փաթեթ (93)	1 տպագիր օրինակ և էլեկտրոնային տարբերակ Excel ձևաչափով՝ ուղեկցող գրության հետ միասին	Փաթեթների ամբողջական տրամադրումից հետո 10 օրյա ժամկետում	Պայմանագրի արժեքի 10 տոկոսի չափով

Հապավումներ

ՀՀ ԿԿ	Հայաստանի Հանրապետության Կադաստրի կոմիտե
ԱԵԱ	Ազդեցության ենթարկված անձ
ԱԵՏՏ	Ազդեցության ենթարկված տնային տնտեսություն
ԱԶԲ	Ասիական զարգացման բանկ

⁶ Այստեղ և հաջորդիվ փուլերում նշված ակտիվների/հողակտորների համար փաթեթների քանակը նշված է ըստ սույն SU «Առաջադրանքի նպատակը և ծառայությունների շրջանակը» բաժնում առկա աղյուսակի: Փաթեթները տրամադրվելու են ըստ նույն բաժնում նշված ծառայությունների շրջանակում ներառված աշխատանքների քանակների համապատասխան բաշխումով՝ ըստ փուլերի: Նշված քանակը ներառում է նաև ՀՀ սեփականություն հանդիսացող հողակտորներ, որոնց համար գնահատման

ԱԶԲ ԱՄՔ	Ասիական զարգացման բանկի անվտանգության մեխանիզմների քաղաքականություն
ԲԼՄ	Բողոքների լուծման մեխանիզմ
ԲՄՄՄՀ	Բնապահպանական և սոցիալական ստանդարտների ու սկզբունքների հայտարարագիր
ԲՄՔ ԿՊ	Բնապահպանական և սոցիալական քաղաքականության կատարման պահանջ
ԳՄԾ	Գործողությունների մանրամասն ծրագիր
ԵՆԲ	Եվրոպական ներդրումային բանկ
ՎԶԵԲ	Վերակառուցման և զարգացման եվրոպական բանկ
ՀՀ ՏԿԵՆ	Հայաստանի Հանրապետության տարածքային կառավարման և ենթակառուցվածքների նախարարություն
ՀՕՏԾ	Հողերի օտարման և տարաբնակեցման ծրագիր
ՀՕՏՇ	Հողերի օտարման և տարաբնակեցման շրջանակ
ՍՊԸ	Սահմանափակ պատասխանատվությամբ ընկերություն
ՓԲԸ	Փակ բաժնետիրական ընկերություն

Պ Ա Տ Վ Ի Դ Ա Տ ՈՒ

«Ճանապարհային դեպարտամենտ» հիմնադրամ

Հասցե՝ ք. Երևան, Հանրապետության
Հրապարակ, Կառավարական տուն 3
ՀՎՀՀ՝ 02702598

ՀՀ ՖՆ Գործառնական վարչություն
ՀՀ՝ 900000909961

Գործադիր տնօրեն



Ա. Չերչիկյան
/ստորագրություն/ Վ.Տ.


Կ Ա Տ Ա Դ Ո Ղ

«ԷՅ.ԷՄ» ՍՊԸ

Հասցե՝ ք.Երևան, Եկմալյան 6, Բիզնես պալե,
4-րդ հարկ
ՀՎՀՀ՝ 00117479

Բանկ՝ ԱՎԲԱ ԲԱՆԿ ԲԲԸ
ՀՀ՝ 220593330107000

Տնօրեն



Կ. Գևորգյան
/ստորագրություն/ Վ.Տ.

Պայմանագրի կողմ

գտնվելու վայրը _____
հհ _____
հվհհ _____

Պատվիրատու

գտնվելու վայրը _____
հհ _____
հվհհ _____

ԱՐՁԱՆԱԳՐՈՒԹՅՈՒՆ N
ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐՁՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ

« » « » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.

Պայմանագրի համարը՝ _____

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ « » « » 20 թ. դուրս գրված N _____ հաշիվ ապրանքագիրը, կազմեցին սույն արձանագրությունը հետևյալի մասին.
Պայմանագրի շրջանակներում Պայմանագրի կողմը մատուցել է հետևյալ ծառայությունները՝

N	Մատուցված ծառայությունների							
	անվանում ը	տեխնիկական բնութագրի համառոտ շարադրանքը	քանակական ցուցանիշը		կատարման ժամկետը		Վճարման ենթակա գումարը /հազար դրամ/	Վճա րման ժամկ ետը /ըստ վճար ման ժամ անա կացո ւյցի/
			ըստ պայմանագրով հաստատված զնման ժամանակացույցի	փաստացի	ըստ պայմանագրով հաստատված զնման ժամանակացույցի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

ստորագրություն

ազգանուն, անուն
Կ.Տ.

Ծառայությունն ընդունեց

ստորագրություն

ազգանուն, անուն
Կ.Տ.

ԱԿՏ N

պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) և _____-ի
Պատվիրատուի անունը Կատարողի անունը

(այսուհետ՝ Կատարող) միջև 20 թ. _____-ին կնքված N _____
պայմանագրի կնքման ամսաթիվը պայմանագրի համարը
գնման պայմանագրի շրջանակներում Կատարողը 20 թ. _____-ին հանձնման-ընդունման
նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն

ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն

ԾԱՆՈԻՑՈՒՄ

_____ հայտնում է, որ
ֆինանսական գործակալի անվանումը

1. _____-ի և _____-ի միջև «--» 2025թ. կնքված
պատվիրատուի անվանումը կատարողի անվանումը

«-----/-----» ծածկագրով պայմանագրի (այսուհետ՝ Պայմանագիր) շրջանակում իր և

_____ -ի միջև «--» 2025թ-ին կնքվել է «-----» ծածկագրով ֆակտորինգի
կատարողի անվանումը
պայմանագիրը,

2. համաձայն է Պայմանագրի 7.12 կետով սահմանված պահանջներին:

_____ ֆինանսական գործակալի անվանումը (ղեկավարի պաշտոնը, անուն ազգանունը)

_____ ստորագրությունը

Կ. Տ. (առկայության դեպքում)

«--» 20 թ.